

Հ Ե Ղ Ի Ն Է

Վ Է Պ

Տ-ին Մ. ՄԱՐԻՍԵԱՆԻ

(Մարունակութիւն 1)

XV

— Կը յոգնես, Հեղինէ, տուր ես ջրեմ ծաղիկները, ասաց Ամիրանովը մոնելով պարտէզը, և, գրկելով կնոջ իրանը, առաւ ձեռքիցը ցնցուղը:

— Թող, քիչ է մնացել, դու կը փչացնես ծաղիկներս:

Այդ օրը Ամիրանովը սովորականից շուտ էր վերկացել, տենդային անհամբերութեամբ հագնել էր ու խմել առաւօտեան սուրճը, կարծես իւր համար մի առանձին բան սպասելիս լինէր այդ օրը:

— Քեզ լաւ պահիր, հոգիս, այժմ քո կեանքը ինձ համար կրկնապատիկ թանկ է:

Հեղինէն զարմացած և գորովանքով յառեց աչքերը մարդու վերայ: Վաղուց է որ նա նորան այնպիսի լաւ և ուրախ տրամադրութեան մէջ չէր տեսել, ինչպէս այդ առաւօտ:

— Կ'ուրախանա՞ս որ երեխայ ունենաս, Միշէլ:

— Ի հարկէ. ծերութեան միակ մխիթարութիւնը երեխաներն են. երեխատէրը գոնէ գիտէ թէ ինչի համար է աշխատում և թէ իւր անունը իւր հետ չի կորչիլ:

Հեղինէի աչքերը փայլեցին ուրախութիւնից, նորա սրտում յոյս ծագեց, որ երեխայի ծնւելուց յետոյ նոցա կեանքը բոլորովին կը փոխւի, որ հայրական սրբազան պարտականութեան զգացմունքը բոլորովին կը կերպարանափոխի մարդուն: Հեղինէն այնպէս երջանիկ էր զգում իրան երեւակայելով կատարելիք փոփոխութիւնը, կարծես այդ բոլորը արդէն կատարւած իրականութիւն լինէր, և բոլոր ջահէլ մայրերին յատուկ հրճւանքով խօսում էր երեխայի ապագայի մասին:

Ամիրանովը ուշադրութեամբ ու սիրով լսում էր:

— Սակայն, հոգիս, ծառայութեան գնալու ժամանակն է:

— Շատ ուշ ես դալիս տուն, Միշէլ, չի՞ լինի մի քիչ շուտ գաս:

— Կ'աշխատեմ, ասաց Ամիրանովը, կանգ առնելով պարտէզի դրան մօտ և օդալին համբոյր տալով կնոջը:

Ասե՞մ Հեղինէին թէ չէ... չէ', աւելի լաւ է սպասեմ մինչև որ պաշտօնապէս յայննեն. կանանց բերնում չի՛ր չի թրջւիլ, ամբողջ քաղաքը կ'իմանայ. համ էլ անսպասելի կերպով որ իմանայ՝ աւելի կ'ուրախանայ, մտածում էր նա կանգնած տան դրան մօտ:

Անցաւ մի քանի օր. Հեղինէն մենակ նստած էր. յանկարծ զանգը քաշեցին և մի քանի ըրպէ չանցած ներս վազեց Նիլզաւետա Բոգդանովնա Միհրանովան ու սկսեց շնորհաւորել նորա մարդու բարձր պաշտօն ստանալը: Հեղինէն ինչ-որ յիշեց և ախրեց. նա ուզում էր մի հարց առաջարկել Միհրանովային, բայց իրան զսպեց ու ոչինչ չը հարցրեց:

— Ուրախութեանս չափ չը կայ. դուք գիտէք որ ես ձեզ իմ զաւակներիցս չեմ ջոկում. ոչ ոք այնքան չի աշխատել, որ Միխայիլ Պետրովիչը այդ պաշտօնը ստանայ, որքան ես. ասենք նա այնպէս մարդ է, որ նորա համար արժէ աշխատել: Ուր է, տանը չէ՞:

— Զէ, զեւ ծառայութիւնից տուն չի եկել:

— Ափսոս, ես նրան ունէի ասելու. բայց ոչինչ, ձեզ էլ կարող եմ ասել:

Կարծես այսօր քէֆ չ'ունէք... հա', իմացայ, այդ ձեր ապագայ ժառանգն է ձեզ անհանգստացնում, հա', հա', հա': Ի հարկէ կ'երթաք այսօրւայ ձիարշաւին նայելու. ափսոս որ ես չեմ կարող գնալ: Երեւակայել անգամ չէք կարող թէ որքան ժամանակ է խլում

ինձնից բարեգործական ընկերութիւնը. ես անպատճառ կ'ասեմ կոմսուհուն, որ ձեզ խնդրի մեր մասնաժողովի անդամ դառնաք, համաձայն էք: Այդպէս էլի, Միխայիլ Պետրովիչը տանը չէ՞:

Եթէ Հեղինէն չ'իմանար, որ Միհրանովան սովորութիւն ունի մի անդամից հազար հարց առաջարկել մարդու, հարցեր, որոնցից շատը պէտք է անսլառասլոսան մնային, կը շփոթւէր չ'իմանալով որին պատասխանի, բայց նա արդէն ճանաչում էր Ելիզաւետա Բոգդանովնային:

—Ձեմ իմանում, ում հետ ուղարկեմ աղջիկներին. խեղճերի սիրտը շատ է ուզում գնալ, իսկ ես չեմ կարող զրկել նոցա զւարճութիւնից:

Տեսնելով որ Հեղինէն չի ֆահմում ասի թէ ինքը կը տանի, նա ուղղակի յայտնեց իւր միտքը. որովհետեւ ես միայն ձեզ վերայ եմ բոլորովին վստահ, ձեզ հետ միայն կը թողնեմ, հետներդ տարէք:

—Շատ շնորհակալ եմ, որ ինձ վերայ վստահ էք, բայց ես ձիարշաւին չեմ գնալու:

Հեղինէի տունը դիպաւ Ելիզաւետա Բոգդանովնայի սրտին. նա ստոր-սառը մնաս բարեւ ասաց ու գնաց:

Այ թէ ինչու է մարդս այս քանի օրը ուրախ, իսկ ես չիմարար բար կարծում էի թէ շուտով հայր դառնալու յոյսն է նորան ալիքան ուրախութիւն պատճառում, մտածեց Հեղինէն մենակ մնալով: Ձը լինի Կատեան այդ պաշտօնի համար էր այն օրը ակնարկում, Միքայէլը գալ տեսնենք, բանը կը պարզւի, տարակուսում էր Հեղինէն և ինչ-որ մի անախորժ զգացմունք տրորում էր նորա սիրտը: Ե՛հ, ես վաղուց եմ նկատել, որ մենք միմեանց չենք համակրում... և չիչեց Հեղինէն թէ ո՛րքան անպարտիւն կերպով աշխատել է գրաւել մարդու համակրութիւնը:

Նա աշխատում է միայն, որ ես նիւթական կողմից պակասութիւն չը զգամ, լիութեան մէջ լինեմ, էլ չի մտածում թէ աշխարհումս, բացի դորանից, ուրիշ պահանջներ էլ կան: Ուրախութիւնից չի իմանում ինչ անի երբ որ զովում են իմ երեսահարքս և բոլորովին գոհ է լինում ինձանից, երբ որ ժամանակին այցելութեան եմ գնում այն տները, որոնց հետ նա ուզում է գնալ-գալ ունենալ, բայց սկի չի հարցնում, թէ արդեօք նրանց հետ ծանօթութիւն ունենալը ինձ հաճելի է թէ չէ:

—Կարող ես ինձ շնորհաւորել, Հեղինէ ջան, հանեց նորան մտախոհութիւնից Ամիրանովի ձայնը, վերջապէս կարգին պաշտօն ստացալ: Ա՛յ այժմ, հոգիս, համ օթեակի աբոնեմենտ կարող եմք վերցնել, համ jour fixe նշանակել:

Այդ ժամանակ կողքի սենեակից կանացի հագուստի խշխշոց լսեց.—Ամիրանովի քոյրերն էին, որոնք շատ անգամ յետի դռնիցն էին տուն մտնում, որ աննկատելի կերպով յայտնւելով կարողանան իմանալ թէ ինչ է կատարւում նեքսեում: Լսելով մարդ ու կնոջ խօսակցութիւնը, նոքա սկսեցին փշփշալ ու վճռեցին մնալ կողքի սենեակում, որ ականջ գնեն ու իմանան թէ ինչի մասին են նոքա խօսում: Թամարին սկզբում վատ թւաց քոջ առաջարկութիւնը, ուղեց մոտել միւս սենեակը, որ իմանան իրանց գալը, բաց մի ուրիշ զգացմունք յաղթեց այդ սկզբում ծագած և միշտ ազնիւ զգացմունքին և նա նստեց Եփեմիայի կողքին:

Մի քանի ժամանակից սկսած Ամիրանովը սկսել էր շատ սիրով վարւել Թամարի հետ. այդ շատ ուրախացնում էր Թամարին և դրդում աշխատելու աւելի էլ դուր գալու նորան: Քրոջը չէր սիրում Թամարը, բաց ստիպւած էր խոստովանել, որ նա շատ լաւ կարողանում է դուր գալ Միխայիլ Պետրովիչին և դորա համար շատ անգամ անզգալի կերպով ընկնում էր Եփեմիայի ազդեցութեան տակ: Եփեմիան ու Թամարը դրան յետև նստած լսում էին:

—Ինչ եղաւ քեզ, Հեղինէ, այնպէս եղար, կարծես մի բանից վախեցար: Քսանիննը տարեկան հասակում այդպիսի պաշտօն ու չորս հազար ոտնիկ ստանալ հազարից մէկին չի յաջողում, իսկ դու յօնքերդ կիտում ես:

—Դու ինձ այն ասա, հօ՛ւ նոր ստացած պաշտօնդ Ն-ձէի պաշտօնը չի՞:

—Նա, խելօքս, լաւ գտար, իսկ ես կարծում էի թէ քեզ ամենեւին չեն հետաքրքրում իմ շահերն, կատակով ասաց Ամիրանովը:

Նա նկատում էր որ գնալով կնոջ քէֆը վատանում է ու սկսեց սրտացաւութեամբ հարցնել, թէ հօ՛ւ էլի ցաւը չի բռնում, որ վերջին ժամանակը շուտ—շուտ էր անհանգստացնում նորան:

—Ձէ, Միշէլ, շատ լաւ եմ զգում ինձ: Սիրտս ուրիշ բան է

ցաւացնում: Մինչև այժմ ես ապրում էի երեւակայութեամբ ու ուշադրութիւն չէի դարձնում իրականութեան վերայ, ես քո արածները այնպէս չէի տեսնում ինչպէս որ իսկապէս են, այլ աւելի լաւ էի բացատրում, իսկ այժմ շատ բան է պարզւում:

Այժմ հասկանում եմ թէ ինչու մի քանի ժամանակից ի վեր ամեն կերպ աշխատում ես հեռու պահել քեզ և չը խառնել որոշեալ խնդիրների ու գործերի մէջ:

—Տուտուց բաներ ես ասում, հոգիս, Աստուած վկայ, չեմ հասկանում թէ ինչ ես ուզում ասել:

—Միթէ՞ խիղճդ քեզ չի տանջում, որ ծեր ու ահագին ընտանիքի տէր մարդու ձեռքից խլել ես պաշտօնը:

Ամիրանովը մի քիչ շփոթւեց. նորա սրտում յանկարծ կասկած ծագեց, թէ մի գուցէ կինը իմացել է իւր Ն-ձէի դէմ լարած թակարդները ու ինտրիգաները, բայց նա այնքան վստահ էր իւր ճարպկութեան ու խորամանկութեան վերայ, որ կասկածը նորան բոլորովին անհիմն թւաց և նա իւր համոզիչ տօնով ասաց:

—Հաւատացիր, Հեղինէ, որ իմ բոլոր ջանքերիս ու աշխատանքներիս նպատակը քո և մեր երեխայի ապագայի ապահովացնելն է, իսկ այդ նպատակին հասնելու համար ընտրւած միջոցները այնքան ազնիւ և ինելացի են, որ ոչ մի առողջ դատողութեան տէր մարդ պարսաւելի չի կարող համարել:

—Ձուր ես, Միշէլ, արդարանում նորանով, որ իմ ապագայի համար ես այդ անում: Վայ այն բախտին, որ ուրիշների թշառութեամբ է ձեռք բերւում, ուրիշների բերնից խլւած հացը իմ բզովը կուլ չի գնալ: Հաւատացած կաց, Միշէլ, որ անարդարութեան վերայ հիմնւած բախտը անիծւած է. ուրիշներին զրկողը վաղ թէ ուշ կը պատժւի և վերջապէս էլ ինչի՞ համար է ապրում մարդ՝ կարգին և ազնիւ մարդկանց յարգանքից ու համակրութիւնից զրկւելուց յետոյ, իսկ ուրիշի տունը քանդելով, բախտաւորւողը չի կարող վայելել ազնիւ մարդկանց յարգանքը:

Հեղինէն արտասանեց այդ խօսքերը խրոխտաբար գլուխը բարձրացրած, բաց ճակատով, այնպէս, ինչպէս կարող է խօսել միայն զարգացած, բոլորովին կազմակերպւած բնաւորութեան ու հայեացքների տէր մարդ: Ամիրանովը մինչև այդ ժամանակ երբէք տեսած չը կար

կնոջը այդպիսի տրամադրութեան մէջ և լսած չը կար նորանից այդպիսի վճռական խօսքեր: Կնոջ, նորա կարծիքով, տուտուց նկատողութիւնները վաղուց նորան զգեցրել էին, քիչ էր մնում աչքերը խփէր ջերանը բաց անէր ու հայհոյանքների տոպրակը թափ տար, բայց իրան զսպեց և բռնազրօսելով իւր զգացմունքները քնքշութեամբ նստացրեց կնոջը բազմոցի վերայ ու մի ձեռքով գրկելով նորա իրանը զգացւած սրտով ասաց:

— Մի վրդովւիլ, դու այնպիսի դրութեան մէջ ես, որ այդ կարող է քեզ մնասել: Սիրտս դադւում է, հոգիս, տեսնելով, որ դու այդպէս հեշտ հաւատ ես ընծայում ամեն մի յիմար խօսքի: Ով գիտի ինչե՛ր են ասել քեզ իմ մասին, մանաւանդ իդէալական անարատ Սահառունին:

— Երդւում եմ, որ նա երբէք ակնարկով անգամ տեղիք չի տւել ինձ՝ քո վերայ վատ կարծիք տանելու. ընդհակառակը, նա ամեն անգամ, երբ առիթ է լինում խօսելու քո մասին, քեզ պաշտպանում է, տաքացած սպտաթխանեց Հեղինէն:

— Յետոյ այդ բանի մասին երկար ու բարակ կը խօսենք, իսկ հիմայ պատւիրիւր շուտով սուփրան գցեն:

Հեղինէն վեր կացաւ տեղիցը ու դանդաղ քայլերով, կարծես մի բանի վերայ միտք անելով, դուրս եկաւ պատշգամբը. դրսւի հովը տւեց երեսին և մի քիչ զովացրեց նորա բորբոքւած ծակատուր: Կարծես նորա աչքերը մինչև այժմ ոչինչ չէին տեսնում և այժմ յանկարծ բացւեցին, մարդու վարմունքներից շատերը, որ առաջ նորա համար անհասկանալի էին, այժմ պարզւեցին նորա համար: Նա զգաց, որ բարոյական աշխարհում կնոջ չնչին դեր չի վիճակւած, նա զգաց որ ինքը կարող է և պարտական է օգնել մարդուն, ազատել նորան, որ նա, իւր համոզմունքի հաստատութեան և իւր համբերութեան շնորհիւ, կարող է մարդու կեանքին ուրիշ, աւելի ազնիւ ուղղութիւն տալ:

Հենց որ Հեղինէն ոտը առանձնասենեակի շէմքից դուրս դրեց, Ամիրանովը զգաց որ մենակ է և ազատութիւն տւեց իւր զգացմունքներին, նորա ղէմքը ծամածուեց չար քմծիծաղով և նա բաւական բարձր ձայնով արտասանեց նորա յետեւից.

— Ի՛նչ յիմար սանտիմ ենտալութիւն է. մենք հօ ուրիշ-

ների արտասուքը սրբելու համար չենք ծնւել. մեր գլխի ճարը հագիւ ենք տեսնում: Բայց տես ի՞նչ լեզու է ունեցել, ով կարող էր կարծել, կ'ասէիր անմեղ գառը լինէր: Զէ, այսուհետեւ վճռած է, պէտք է սանձը քաշել, թէ չէ՝ չափը բոլորովին կը մոռանայ: Այդ էլ մեր պարոն երիտասարդների տւած օգուտն է, նոցա ազդեցութիւնն է, տունս ջրի ճանապարհ են շինել, գալիս են նստում ու իրանց տուտուց փիլիսոփայութիւններով կնոջս գլխահան անում: Իէ, զրան պէտք է վերջ տալ: Ել ազատութիւն չեմ տայ կնոջս... նոր ծանօթներ, նոր շրջան, ամեն բան պէտք է փոխել, կինս պէտք է օգնի ինձ իմ յարաբերութիւնների ու ծանօթութիւնների մէջ:

—Շնորհաւորում ենք, եղբայր, վախճանելով ասացին քոյրերը ներս մտնելով:

Նոցա հետ խօսելիս Ամիրանովը հասկացրեց որ յոյս չ'ունենան թէ այնուհետեւ իրանից ապրուստի համար աւելի փող կը ստանան:

—Դուք հօ գիտէք, որ իմ նոր դիրքս աւելի մեծ ծախսեր կը պահանջի...

—Ի հարկէ, ո՞վ չը գիտէ որ այդպէս է, ասաց Նիեմիան:

Թամարը ստրկական շողոքորթութեամբ գլխով արեց ի նշան համաձայնութեան:

—Ո՞րտեղից եկաք, Թամար, որ ես ձեզ չը նկատեցի:

—Դռները բոլորովին բաց էին. Հեղինէին ասա մի քիչ լաւ նայի տանը, թէ չէ ունեցած չ'ունեցածներդ կը մոտեն կը տանեն, շորս կողմը աչք ածելով կամաց արտասանեց օրիորդը:

—ձիշդ է, այդ լաւ չէ, պէտք է զգոյշ կենալ: Մոռացայ ասեմ, Թամար, որ շուտով կը ստանաս ձեռի ծախսելու փողդ. լաւ կանէիր շորեր կարել տայիր քեզ համար:

—Նս գիտէի որ դու անչափ բարի ես, Միքայէլ:

—Այժմ իմ գլխաւոր հոգսս պէտք է լինի քեզ մարդու տալ: Թամարը աչքերը գցեց գետին:

—Նս առաջ էլ միշտ յիշում էի այդ պարտականութիւնս, բայց մեր ժամանակներում առանց փողի դժւար է պսակ գլուխ բերել: Թող այժմ լաւ փեսացու գտնւի, չեմ խնայի, բաժինք կը տամ:

—Մ'հ, ո՛րքան սէր, որքան բարութիւն կայ սրտումդ, միաձայն բացականչեցին քոյրերը:

—Միքայել, չը բարկանաս, քեզ մի խորհուրդ պէտք է տամ, մի քանի րոպէ լռութիւնից յետոյ խորհրդաւոր եղանակով սկսեց այրին, մի քիչ լաւ մտիկ արա կնոջդ, հիմիկան ջահէններին հօ ճանաչում ես, կինդ էլ մի քիչ թեթեւ է։ Հիմիկայ նոր գաղափարներն էլ հօ հասարակութեան համար թոյն են, թոյն։

—Դուք նորանից մեծ էք, խրատեցէք թէ ինչպէս պէտք է իրան պահի, միայն մի քիչ զգոյշ վարէք, մի քիչ տկար է, պատասխանեց Ամիրանովը ու դուրս եկաւ սենեակից։

—Իմ կարծիքով, Թամար, Միքայելը այդպիսի կնոջով երկար չի մնայ այդ պաշտօնում։

—Հա, Եփեմիա, զարմացած մնացի լսելով թէ ինչպէս էր գոռում Միքայելի վերայ։ Ի՞նչ գոռոզն է եղել։

—Մարդու ծիծաղ է գալիս, որ մտածում է, թէ ինչի վերայ է հպարտանում ու քրքրում։ Բերածը եօթ հազար է եղել, լեզուն միլլիօն բերողի լեզուից երկար է։

—Միտդ է, Եփեմիա, ի՞նչ հարուստ աղջիկներ էին ուզում տալ Միքայելին։

—Ինչպէս միտս չը լինի։ Ը՛ստս... հրէս գալիս է։ Յանկարծ կը լսի ու Միքայելին կը համոզի, որ կտրի մեր թօշակը. տւածն էլ հօ՛ առանց այն էլ մի բան չէ։

Այրին դիմաւորեց Հեղինէին, աչքալուսենք ասաց և հազար ու մի բարեմաղթութիւն թափեց գլխին, որ տոպրակներով պատրաստ ունէր ու ամենքին բաժանում էր առատաձեռն։

—Որքան բախտաւոր էք, Հեղինէ, ջահէլ-ջահէլ այդքան առաջ գնացիք, քաղցրութեամբ ասաց նրան փոքրիկ տալը։

—Իմ կարծիքով այդ մի մեծ բախտաւորութիւն չէ, Թամար։

—Ել ինչ էք ուզում, չը կարողանալով համբերել վրայ պրծաւ այրին։ Դուք այնպիսի մարդու էք գնացել, որ ձեր պսակին հազարաւոր կանայք կը նախանձեն։

Հեղինէն անհամբեր շարժմունք արեց ու արհամարհական հայեացք գցեց տալի վերայ։

—Ինչո՞ւ էք բարկանում, հոգիս, ես, կարծեմ, ոչինչ մի վատ բան չ'ասացի, հանդարտութեամբ պատասխանեց այրին։

—Քաւական է խօսենք դորա մասին. աւելի լաւ է գնանք ճաշելու, Միքայէլը ի՞նչքան ժամանակ է մեզ սպասում է։

Երեքն էլ գնացին սեղանատուն։

Ճաշից յետոյ շատ չ'անցած եկաւ Սահառունին և սկսեց կնոջ կողմից խնդրել Հեղինէին որ իրանց հետ գնայ ձիարշաւին նայելու։ Հեղինէն ասաց, որ իւր կարծիքով անյարմար կը լինի այժմ դնալ, քանի որ մի քիչ առաջ մերժել էր Միհրանովայի խնդիրքը, ասելով որ ձիարշաւին չի գնալու և այդ պատճառով չի կարող տանել նորա աղջիկներին։

—Ի՛նչ հիանալի կին է, ո՛րքան սիրում է մեր Միքայէլին, իսկ դու, Հեղինէ, սիրտ ես արել մերժել նորա այդպիսի շնչին խնդիրքը։

Հարսը ուշադրութիւն չը դարձրեց տալի նկատողութեան վերայ և շարունակեց իւր խօսակցութիւնը Սահառունու հետ։ Նորա ներկայութիւնը շատ լաւ ներգործում էր Հեղինէի վերայ. նա հետզհետէ աւելի և աւելի հանգստանում էր։ Հեղինէն շատ խնդրեց նորան որ մնայ, բայց նա շտապում էր, որովհետև կնոջը խոստացել էր հետը գնալ ձիարշաւի։

Կատարինէն արդէն մօտ կէս ժամ էր ինչ սպասում էր նորան զարուհեւայ շքեղ հագուստով։ Ձիարշաւից վերադառնալուց յետոյ, նա ուրախ-ուրախ ընկաւ մարդու վզովը և չիշեցրեց նորան, որ խոստացել էր տանը երեկոյթներ սարքել։

—Շատ լաւ, ի դէպ՝ վաղը չէ միւս օր քո ծնունդն է, ասաց Սահառունին։

—Ձեմ իմանում, կանչե՞մ թէ չէ Միհրանովեց... դու չես սիրում նոցա, շողմբոր ձայնով ասաց Կատարինէն։

—Ինչու չը պէտք է հրաւիրես, քանի որ նոքա գլխովդ պտոյտ են գալիս և դու օր չի անցնիլ համարեա որ նոցա տունը չը գնաս։

—Շատ օրիորդներ են լինելու, իսկ պարող տղամարդիկ չկան... չեմ իմանում ինչ անեմ... Շատ անյարմար կը լինի Գէորգ, հոգիս, թոյլ չե՞ս տալ Տրունիցկուն հրաւիրեմ։

Սահառունին զարմացած լուռ նայում էր կնոջ վերայ։ Կատարինէն շարած կանգնած էր։ Թէև նա գիտէր, որ չի կարելի մար-

դուն այդպիսի խնդիրքով դիմել, բայց այնքան սաստիկ ցանկանում էր ուրիշներին շլացնել իւր երեկոյթով, որ սիրտ արեց ու ասաց:

— Հաւատացիր, որ ես իմ զւարճութեանն համար չեմ աշխատում... նա մեզնում ամենալաւ պարոզ և առհասարակ... ճարպիկ կաւալեր է համարում... այնպէս որ... երեկոյթը աւանց նորան ամենքին ձանձրալի կը թւի, դժւարութեամբ կարողացաւ արտասանել ձեղինէն գլուխը քաշ զգած:

Կնոջ խնդիրքը կատարելը շատ ծանր և վիրաւորական էր Սահառունու համար, բայց նա աւելի լաւ համարեց զիջել: Նա վախենում էր, կնոջ խնդիրքը մերժելով, աւելի բորբոքի նորա սէրը:

— Եթէ այդքան ուզում ես որ նա դայ, ես արգելք չեմ լինի, կիսաբերան պատասխանեց Սահառունին ու երեսը շուռ տուեց նորանից: Զը նայելով որ նա աշխատում էր ծածկել իւր մէջ կատարուող ներքին կռիւը, ձայնը մի քիչ դողաց: Կինը այնքան ուրախացաւ մարդու թոյլութիւնը ստանալով, որ այդ չը նկատեց և շնորհակալութեան զգացմունքով բռնեց նորա ձեռքը:

— Կարելի՞ է, հա՞: Գէորգ ջան, որքան բարի ես: Պարոյներ չ'ունէինք, բայց նա տասը պարողի տեղ կը բռնի, իրան կորցնելով ասաց Կատարինէն ու նստեց հրաւիրատուներ գրելու:

XVI

Կատարինէի ծննդի օրն էր: Ամեն պատրաստութիւններ տեսնւել էին երեկոյթի համար: Ժամի 8-ին Կատարինէն պատուիրեց բոլոր սենեակների ճրագները կպցնել և զուքւած—զարդարւած ու ինքնագոհ ժպիտն երեսին սկսեց ման գալ սենեակից սենեակ ու պատուէրներ տալ: Հիւրերին ընդունելու համար բոլոր կարգադրութիւնները անելուց յետոյ, նա նստեց տախտի վերայ հանգստանալու: Նորա երեւակայութեան մէջ արդէն պաակերանում էր երեկոյթը, նորա սիրտը հիմիկանից փառաւորւում էր երեւակայելով թէ որքան կ'ուրախանան ընկերահիները պատահելով նորա տանը ծրուանիցվուն:

Կատարինէի հիւրասենեակը արեւելեան ճաշակով էր սարքւած: Ասիական նախշերով պատուաներն ու վարագոյրները շառ համապատասխան էին սենեակի չորս կողմը դրւած ցած թախտաձև բազմոցներին. գեղարւեստական անկարգութեամբ ցիրուցան զցած հազար

ու մէկ վառ գոյներով բարձերը կարծես մարդու հրաւիրում էին հանգիստ առնելու. պատերը զարգարւած էին ասիական գէնքերով. դարակներում շարւած էին ոսկէ ու արծաթէ իրեզնէներ: Բոլորը միասին շատ ներդաշնակ տպաւորութիւն էին գործում մարդու վերայ. աւելի ևս սաստկանում էր տպաւորութիւնը առաստաղից կախւած լապտերի վարդազոյն ճառագայթների լուսով:

—Միայն քե՛զ չի դուր գալիս, Գէորգ, իմ հիւրասենեակը, գլուխդ մի բան է մտել, թէ մարդու տրամադրում է հեշտասիրութեան ու ծուլութեան, ասաց Կատարինէն, ուրախ-ուրախ դիմաւորելով առաջին հիւրերին՝ օրիորդ Միհրանովաներին ու Աննա Գուրգէնեանին:

—Գիտէք ով կը լինի այսօր մեզ մօտ, խորհրդաւոր կերպով ասաց նրանց տանտիկինը:

—Ո՞վ կը լինի, ասա, Կատեա ջան, մի որ և է cavalier galant, չէ՞, անհամբերութեամբ սպասելով պատասխանի միաբերան հարցրեցին նորան օրիորդները:

—Զը լինի՞ Տրուհիցկին է, ուրախ-ուրախ հարցրեց Նադեան և նորա կարմիր երեսը աւելի ևս կարմրատակեց:

Կատարինէն հովհարով խփեց նորա քթին ու վազեց դիմաւորելու նոր հիւրերին:

Օրիորդները սկսեցին տաք-տաք խօսել ու վիճել Տրուհիցկու մասին:

—Ի՞նչ անսպասելի նորութիւն էր, ո՛րքան ուրախ կ'անցնի երեկոյթը, իսկ ես կարծում էի, թէ մարդ, բացի Թօմաւեններից ու Պետրօսովներից, Կատարինէի մօտ ոչ ոքի չի պատահիլ, ուրախ-ուրախ ձեռները իրար խփեց կարմրաթշիկ գեղեցկուհին:

—Ի՛նչպէս ուրախացան բոլորը, կարծես մի երեւելի բան իմացան, արհամարհանքով նկատեց Սօֆիա Միհրանովան ու վերքաշեց ուսերը:

—Ճիշտ որ, Սօֆիա, ուրիշները կը կարծեն, թէ մեզ յայտնեցին որ Յիւրիի ենք գնալու, հա՛, հա՛ հա՛: Միթէ՞ այժմ կարելի է բացի Յիւրիից ուրիշ բանով հետաքրքրել, ձեռ առաւ քրոջը Նադեա Միհրանովան և, թւն անցնելով Գուրգէնեանի թւը, քաշեց տարաւ նորան: Հանդերձասենեակը:

— Գիտե՞ս, Սօֆիա, Պետերբուրգում թող են տալու կանանց լսել բարձրագույն ուսումնարաններում, հաջորդեց նրան օրիորդներից մէկը։

— Ես առանց ձեզ վաղուց գիտէի այդ։ Զարմանալի է, mesdames, թէ որքան ուշ են հասնում ձեզ այդպիսի տեղեկութիւնները։

Այդ ասելով Սօֆիան կարեկցաբար նայեց օրիորդներին։ Նա սրտանց ցաւում էր նոցա։ Օրիորդները հստակին ու փախան։

— Ախ, եթէ իմանալի որ նա կը լինի... ինչ անպիտան շոր եմ հագել, սկի չի սաղում ինձ, ասաց Նադեա Միհրանովան կոկեւելով հանդերձարանում պատէ հայելու (տրիւմֆ) առաջ։

— Ընդհակառակը դու՝ ինչպէս միշտ՝ ամենից լաւ ես հագնւած և շատ սիրուն ես այսօր։

— Ճիշտ։ Օ՛յ, դու՛ այդ ի՛նչ շոր ես հագել, Աննա, կուզե՞ս գնանք տուն, շորերդ փոխիր։

— Զէ մի ինչ, ծիծաղեց Գուրգէնեանը։ Կարծում ես ամենքն էլ քեզ նման հետաքրքրոււմ են Տրուսիցկով։

— Գիտես, մի քանի ժամանակ է նա ամեն օր լինում է մեր տանը, էլ ասել չի լինի թէ որքան ուրախ է անցնում ժամանակը նորա հետ։

— Երեւակայում եմ, արհամարհանքով ժպտաց Գուրգէնեանը։

— Խօսքը մեր մէջ մնայ, նա սառել է դէպի Կատեան, իսկ նա խեղճը սկի չի էլ նկատում այդ։

— Խեղճը, հը՛մ... դու շատ մեծ նշանակութիւն ես տալիս այդ փքւած ու դատարկ Ֆրանտին։

— Ի՛նչ, քո կարծիքով Սահառունին ու Քօմաւեր նորանից լաւ են, չէ՞, գրգռւած կտրեց նորա խօսքը Նադեան։ Ա՛յ, իսկը փքւած նոքա են։ Ես անկեղծ ցաւում եմ խեղճ Կատեային, մարդը նորա ճկովթին էլ չ'արժէ։

Հանդերձարանը եկան ուրիշ կանայք և խօսակցութիւնը փոխեցին։

Ժամի տասին Սահառունիների ճաշակով զարդարւած մեծ դահլիճում սկսեցին դաշնամուր ածել ու պարել։ Տանտէրն ու տանտիկինը անհանգիստ էին. նոցա աչքը դրան վերայ էր. ինչպէս երեւում էր՝ երկուսն էլ հետաքրքիր հիւրերի էին սպասում։

Երեւի նա մարդու պատճառով է ուշանում, մտածեց Սահառունին։

Ինչպէս երևում է, ներկայացումը վերջանալուց յետոյ կը գայ, հանգստացրեց ինքն իրան Կատարինէն ու նշանով կանչեց իւր մօտ Ասունուն:

—Մինչև Տրունիցկու գալը, Ալեքսանդր Վասիլիչ, դուք պէտք է կառավարէք պարերը:

—Ի հարկէ դուք պէտք է կատարէք այդ պարտականութիւնը, հօ Թօմաեւին չենք խնդրելու որ կառավարի, ծաղրելով նկատեց Նադեան:

Ամենքը աչքները դարձրին Թօմաեւի վերայ, նա թէև այդ նկատեց, բայց, ինչպէս երևում էր, առանձին նշանակութիւն չը տւեց դրան և չը փոխեց իւր սովորական դիրքը: Ձեռները գրպանը դրած ու գլուխը յետ գցած, նա մնաց այդ կիսաթեք ընկած դուրսեան մէջ. երբեմն ժպտն նա բարձրանում նստում էր ծխագլանակը կրպցնելու համար:

—Ափսո՛ս, այդքան սիրուն ու ջահէլ է և այդպէս անհոգ ու անուշադիր է դէպի իւր արտաքինը. այդ նրան անհամակրելի տեսք է տալիս, արհամարհանքով ասաց Նադեա Միհրանովան Աննա Գուրգէնեանի, հետ նորա մօտով անցնելիս:

Թօմաեւը լսեց այդ և նորա անվրդով դէմքի վերայ մի լոպէ երևեց բարեհոգի քմծիծաղ, որով առհասարակ մեծերը պատասխանում են երեխաների թոթովանքին:

—Նա այնքան լաւ յատկութիւններ ունի, որ այդ պակասութիւնը բոլորովին աչքի չի ընկնում, չարացած պատասխանեց Աննա Գուրգէնեանը, երբ որ նոքա մտան միւս սենեակը:

—Դէ, Ասունի, սկսեցէք ձեր գործը, հրաման արձակեց այդ ժամանակ տանտիկինը և ոտը խփեց գետնին. յետոյ մօտեցաւ Թօմաեւին և, յանդիմանօրէն նայելով նորա վերայ ոտից մինչև գլուխ, բացականչեց.

—Էլի զզգզւա՛ծ:

Թօմաեւը մի քիչ բարձրացաւ, նստեց տեղումը:

—Դէ, շուտ արէք, վեր կացէք, պէտք է այս կադրիլը պարէք:

—Յետոյ, Եկատերինա Իւանովնա, այժմ ինձ հանգիստ թողէք, այնպէս թախանձելով ասաց Թօմաեւը, որ տանտիկինը թողեց նորան ու անցաւ միւսներին:

Կադրիլի ժամանակ եկան Ամիրանովն ու կինը և մի քանի բոպէ գրաւեցին բոլորի ուշադրութիւնը:

— Ինչ սիրունացել էք, Ելենա Պաւլովնա, նկատեց մի հասակաւոր կին՝ մի բոպէ աչքը խաղաթղթից բարձրացնելով:

— Ինչու չի սիրունանալ, իւր համար թագուհու պէս ապրում է, ոչ մի բանի ձեռք էլ չի տալիս, հազիւ լսելի ձայնով արտասանեց Քամարը, որ անկիւնում նստած ինքն իրան կտրատում էր, որովհետեւ համարեա ոչ ոք ուշադրութիւն չէր դարձնում նորա վերայ: Նրանից մի քիչ հեռու նստած էր Եփեմիան և քչփչում էր երկու հասակաւոր կանանց հետ:

— Այս էլ Միխայիլ Պետրովիչը, ասաց նոցանից մէկը վեր կենալով տեղիցը:

Ինչո՞ւ այսքան ուշ եկաք:

— Գործ ունէի, անհոգ կերպով պատասխանեց Ամիրանովը, ուշադրութեամբ աչք ածելով չորս կողմը թղթախաղի ընկեր գտնելու համար:

— Խեղճ եղբայրս առաւօտեանից մինչև երեկոյ դադար չունի, իսկ կնոջ սկի հոգն էլ չի. պէտք է իմ հանգուցեալ ամուսնիս նման մարդու պատահած լինէր, որ կակուղ մում դարձնէր:

— Դուք՝ կարծեմ՝ առաջ ձեր եղբոր մօտ էիք ապրում, Եփեմիա Պետրովնա:

— Հա, բայց հարսս վարպետութեամբ մեզ տանից քշեց, չարացած ասաց այլին: Կ'ուզէի մի Միխայիլ Պետրովիչը՝ շատ չէ՝ մի անգամ մտնէր խոհանոցը տեսնէր, թէ ինչ Սոդոմ-Գոմոր է այնտեղ. բոլոր հարեանների ծառաները այնպէս են մտնում-դուրս գալիս, ուտում-թափում, կարծես իրանց տունը լինի: Մէկ-մէկ որ յետևի դռնիցը մտնում եմ եղբօրս տունը ու այդ բոլորը տեսնում, սիրտս այլու՞մ խորովում է:

Եփեմիային էլ հէնց այդ էր պէտք. նոր մարդ էր ճանկել, որ ուրախութեամբ լսում էր իւր ասածը. աչքերը լսից, բերանը բաց արեց ու սկսեց բամբասանքների տոպրակը թափ տալ: Մօտի նստող կանայք ուշադրութեամբ ականջ էին դնում, պաշար էին հաւաքում, որ միւս օրը իրանց ծանօթներին պատմեն:

— Այս էլ ձեզ Ելենա Պաւլովնան, ասաց նոցանից մէկը, նկատելով չեղինէին, որ մօտեցաւ նրանց:

Եփեմիան մի ակնթարթում սըսկեց ու քաղցր արտայայտութիւն տւեց ղէմքին: Հեղինէն սառը-սառը բարեւեց տալին ու կողքին նստած կանանց. նոցա աչքերին նայելով, նա տեսնում էր թէ ինչպէս են վերաբերում իրան:

Այդ ժամանակ ածեցին կադրիլի բետուրնէլը. շուտով պէտք է սկսէր պարը, մի քանի երիտասարդներ մօտեցան Հեղինէին և տարան դահլիճը:

— Բարեւ, Դաւիթ Աբրամիչ, ողջունեց Հեղինէն, անցնելով Թոմաեւի մօտով:

Կատարինէն մօտեցաւ Հեղինէին:

— Անտանելի մարդ է, Հեղինէ, ասաց Կատարինէն անհամբերութեամբ ձեռները իրար խփելով. երեւակայեցէք, ամբողջ երկու ժամ է՝ մի տեղ մեխած նստած է:

Ուրեմն պէտք է զոռով տեղիցը վերկացնել, ժպտաց Հեղինէն: Սօֆիա Միհրանովան կաւալեր չ'ունի, գնացէք խնդրէք որ գայ պարի, դէ', շուտ արէք:

— Մեղք եկէք ինձ, տիկին Հեղինէ, ականջներս կը տանի, այնքան կը խօսի: Աւելի լաւ է ինձ. համար թղթախաղի ընկեր գտնէք:

— Լա՛ւ, ինքը փաշայի նման նստի, իսկ մենք ման գանք նորա համար ընկեր գտնենք, ո՞նց չէ, սպասեցէք, ծիծաղեցին Կատեան ու Հեղինէն:

— Մա՛րշ, եկէք իմ յետևից, հրամայեց Կատարինէն:

Թոմաեւի ղէմքի վերայ բարեհոգի ժպիտ երևաց, նա սիգարի քնթուկը զցեց գետին ու անսիրտ կերպով հետևեց տիկիններին: Հեղինէն տարաւ նորան Գուրգէնեանի մօտ:

— Ա՛յ ձեզ պարընկեր, ասաց նա Թոմաեւին, խորհրդաւոր կերպով ժպտալով:

Թոմաեւի երեսը ուրախութիւնից փայլեց:

— Միթէ՞ դուք պարել զիտէք, զարմանալով և միևնոյն ժամանակը ուրախանալով հարցրեց օրիորդը:

— Որքան համբերութեան պաշար ունէք, Աննա Արտեմիեւնա, այժմ գործ դրէք, դուք պէտք է ինձ սովորեցնէք, իսկ ես ձեզ առաջուց ասում եմ որ աչքաբաց աշակերտներիցը չեմ:

—Մի վախենաք, ես խստապահանջ չեմ, աշխուժով պատասխանեց Գուրգենեանը և գնաց իւր համար աթոռ բերելու:

Ձեռն ամաչում, Դաւիթ, օրիորդի համար մի աթոռ էլ չը կարողացար գտնել, ձեռ առաւ նորան Ասունին:

—Ա՛խ, ճիշտ որ, սկի միտքս չէր, որ ես պէտք է նորա համար աթոռ գտնէի, կոտրելով ասաց Թոմասելը:

Մինչդեռ նա տարակուսած չէր իմանում ինչ անի, Ասունին վազ տւեց Գուրգենեանի մօտ, ձեռիցն առաւ աթոռը ու դրեց Թոմասելի կողքը:

—Կուգէք մարջ կը բռնեմ, որ պարող բոլոր զոյգերը Տրունիցկու մասին են խօսում, ասաց Աննան, նստելով նորա մօտ: Մարդ իմանայ, թէ ինչու է նա այգպէս կախարդիչ կերպով ազդում մեր տիկիներին ու օրիորդներին շատերի վերայ:

—Պատճառն այն է, Աննա Արտեմիենա, որ մեր հասարակութեան մէջ կոկւած, տաշւած ու ճարպիկ կաւալերներ հազւագիւտ են:

Բոլորը խօսում ու պարում էին:

Ձը նայելով որ տանտիկինը ըստ երևոյթին ուրախ էր, ասում խօսում էր, բայց ուշադրութեամբ դիտողը կը նկատէր, որ նա կարծես մի բանի էր սպասում և սաստիկ ուշադրութեամբ ականջ էր գնում փողոցով անցնող կառքերի գոգոտցին: Նա սպասում էր Տրունիցկուն և, քանի գնում էր, նորա անհամբերութիւնը աւելի ու աւելի սաստկանում էր: Սրիորդներն էլ շուտ-շուտ հարցնում էին, թէ ինչ եղաւ Տրունիցկին, ինչու է ուշանում: Բայց ահա կարծես մի կառք կանգ առաւ տան մօտ. Կատարինէն բաց պատուհանից դուրս նայեց և ուրախութիւնից փայլող դէմքով ինչ-որ քչփշալով ասաց կողքի կանանց:

Հիւրասենեակում ու դահլիճում հիւրերի մէջ քչփշոց բարձրացաւ, ինչպէս լինում է առհասարակ, երբ որ սպասում են շատ նշանաւոր կամ մի որևէ պատճառով հետաքրքրաշարժ հիւրի: Տրունիցկին մոռաւ ուռած-փքւած, աչքերը կուչ ածելով նայելով մէկ աջ մէկ ձախ, կարծես ասելիս լինէր՝ տեսէք որքան մեծահոգի եմ ես, որ ձեզ արժանացնում եմ իմ տեսութեանը:

—Օ՛հ, m-lle Nadine, յանկարծ կանգ առաւ նա, ղո՛ւք էլ

այստեղ էք, չեմ կարող ասել, թէ որքան ուրախ եմ, որ ձեզ այստեղ տեսնում եմ:

Տրուհիցկու փալուց յետոյ Կատարինէն ուրախութիւնից ոտների վերայ պար էր զալիս. բոլորն էլ աւելի աշխոյժ ստացան. պարերը տաքացան. օրիորդները սրտատրոփ սպասում էին թէ նոցանից ում կը գերադասի Տրուհիցկին, տիկիները աչքերը ոլոր-պտոյտ տալով կարծես խնդրելիս լինէին որ իրանց հաճոյախօսութիւններ ասի:

Իսկ նա, առանց մի նկատելի պատճառի, ոմանց բախտաւորացնում էր իւր ուշադրութիւնով, միւսներին անուշադիր էր թողնում արհամարհական անտարբերութիւնով:

— Երանի՛ քեզ, Նազեա, ինչ շատ է քեզ հետ պարում, քչիչացին նորա ականջին մի քանի օրիորդներ: Նազեան հպարտ-հպարտ գլուխը բարձրացրեց և ժպտալով ինչ-որ ասաց Տրուհիցկու ականջին: Նա պատասխանեց պինդ սեղմելով Նազեայի ձեռքը և այնուհետև համարեա ամենեւին չէր հեռանում նորանից:

Կատարինէն դադաժ սրտով դուրս եկաւ զահլիճից անխնայ կերպով կրճտելով հիանալի քանդականկար հովհարը: Պրան մօտ նա պատահեց Նսուհուն, որ հեգնօրէն ասաց նրան:

— Հը՞, այժմ բախտաւոր էք զգում ձեզ:

— Ի՛նչ է. ինչպիսի հակառակորդ է, որ ուզենայ հօ ձեզ գրպանը կը դնի:

— Ի հարկէ, մեր ի՛նչ բանն է առաջնակարգ ատաղի հետ մրցել:

— Mesdames և messieurs, կարգադրում էր Նազեա Միհրանովան, հաւաքւեցէք մի տեղ, Աղոլֆ Անդրէի: Դի նոր խաղ է գտել:

Բոլորը կիտւեցին Տրուհիցկու գլխին: Նա մի կենտրոն էր կազմում, որի շուրջը ամենքը ծիծաղում, կատակ էին անում ու աշխատում էին նորա աչքը մտնել:

Միայն Կատարինէի քէֆը կարծես լաւ չէր:

— Պէտք է ասած, այստեղ շատ ուրախ է, ես չէի կարծում որ այսպիսի հասարակութիւն կը լինի ձեր մօտ, յանկարծ նորա ականջին հասաւ ծանօթ ձայնը և նորա աչքերը կանգ առան Տրուհիցկու վերայ: Նա չէր կարող չը նկատել Կատարինէի վրդովմունքը և իսկոյն աշխատեց մխիթարել նորան:

—Ma belle Catherine, partont—et toujours vous êtes la perle de la société!

Կատարինէի դէմքը մի ակնթարթում փալցեց ուրախութիւնից և, մի րոպէ չ'անցած, նա արդէն յաղթական ժպիտով նայում էր իւր շուրջը:

Այդ ժամանակ նրանց մօտեցաւ Սահառունին և նկատեց կնօժը, որ նրան ֆինաս է այդքան շատ պարել:

—Լաւ, Գէորգ, էլ չեմ պարիլ:

Մէկ—երկու քայլ հազիւ էր փոխել Սահառունին, Տրունից-կին հեգնական ժպիտով նայեց Կատարինէի վերայ:

—Հը՞, չը լինի Օթելլօյի նախանձը շարժել է:

—Ձէ՛, նա քիչ ու միչ բանից տեղեկութիւն ունի, բայց զարմանալի է՝ բաւական հանգիստ պահեց իրան իմանալուց յետոյ:

Տրունիցկու սրտովը չեկաւ այդ նորութիւնը: Նոցա մէջ լռութիւն տիրեց, երևում էր, որ նա ինչ որ մտքումը վճռում էր:

—Ձէ՛, էլ չի կարելի շարունակել, պէտք է Կատարինէի հետ հաշիւներիս վերջ տալ, հազիւ լսելի ձայնով ասաց նա ինքն իրան ու արագ վեր թռչելով տեղիցը մօտեցաւ Նադեա Միհրանովային:

Կատարինէի նախանձը շարժեց. մի րոպէ ամեն բան և ամեն-քին մոռանալով նա սկսեց մեքենայաբար այս ու այն հիւրին մօտենալ, խօսել: Ո՛րքան ճիգ և ուժգնութիւն պէտք է գործ դնէր նա իւր վերայ՝ տանտիկնոջ գերը կատարելու և սիրտը տակն ու վերայ անող զգացմունքները զսպելու համար:

Անգիտակցաբար կանչելով իւր մօտ Ասունուն, նա նորա հետ գնաց առանձնասենեակը, որտեղ, մի փոքրիկ սեղանի մօտ նստած, խօսում ու վիճում էին երեք օրիորդ:

—Ինչո՞ւ, mesdames, ամբողջ երեկոն մի կողմ քաշւած, չէք ուզում մասնակցել պարերին:

—Դուք մոռանում էք, Եկատերինա Իւանովնա, որ պարերը հասարակ մահկանացուների համար են, իսկ նոքա, որոնք զրադւած են վսեմ գաղափարներով...

—Որ դուք անընդունակ էք հասկանալու, բարկացած կարեց նորա խօսքը Սօֆիա Միհրանովան: Ճիշտ, միթէ՞ անկիւնից—անկիւն պտոյտ գալուց լաւ պարապմունք չի կարելի գտնել:

—Ձարմանալի է թէ ինչ բաւականութիւն են զգում յետ ու առաջ գնալուց և զլիսպատառ վազ տալուց, վերայ բերեցին միւս երկուսը:

—Ի հարկէ ոչինչ: Հաւատացէք, mesdames, որ ես շատ համակրում եմ՝ ձեր ցանկութեանը, որ ուզում էք մեր պարապմունքներին աւելի լուրջ ուղղութիւն տալ:

—Լռեցէք, Ասունի, աւելի լաւ կ'անէք օրիորդներին ընթրիքի հրաւիրէք, անհամբերութեամբ նկատեց Կատարինէն ու քայքայեցն ուղղեց գէպի սեղանատուն:

—Թոյլ տւէք, mesdames, ձեզ կաւալերութիւն անել, առաջարկեց սիրալիր կերպով Ասունին: Ի՛նչ գեղեցիկ էք այսօր, ում չի յայտնի, որ պարզութիւնը կնոջ ամենալաւ զարդարանքն է:

—Ալեքսանդր Վասիլիչ, զուք, ինչպէս երևում է, երբէք չէք ուզուիլ, ծիծաղելով միաբերան բացականչեցին օրիորդները և Ասունու հետ գնացին սեղանատուն ու նստեցին մի սեղանի մօտ:

—Նոր լուր լսե՞լ էք, mesdames, բոլորիս ծանօթ Մարիա Բոգդանովնան մարդու մօտից մի գնդապետի հետ փախել է, հազորդեց իւր սեղանակիցներին Ասունին:

—Մի՞թէ, աչքերը չռելով բացականչեցին երկու պառաւ:

—Ինչո՞ւ չէիք մինչև այժմ այդ լուրը մեզ ասում, Ալեքսանդր Վասիլիչ, երևի դուք ուրիշ նոր բաներ էլ իմանալիս կը լինէք, տոպրակներիդ բերանը բաց արէք, ասաց տանտիկինը հիւրերին, խնդրելով տեղ բռնել սեղանի մօտ:

—Մի կինարմատներ, ձեզ հաց ու ջուր չը տան, նոր լուրեր միայն հազորդեն, ասաց Ամիրանովը նստելով սեղանի մօտ:

Այդ նկատողութիւնը առանց պատասխանի մնաց, որովհետև կանանց ուշքը գրաւել էր Ասունին, որ նոր լուրեր ու ասէկօսէններ էր որ հազորդում էր շրջապատողներին:

—Ահա ձեզ, Եկատերինա Իւանովնա, մի նոր լուր pour la bonne bouche, M-lle Սաշինկան այս առաւօտ բացասել է իւր փեսացուն: Դէ, հիմա դուք խօսելու, դատողութիւն տալու բաւական նիւթ ունէք, խնդրեմ ինձ հանգիստ թողնէք, ես դեռ ոչինչ չեմ կերել:

Այդ երկու հետաքրքրական լուրերը բերնից բերան անցնելով

գրաւեցին բոլորի ուշադրութիւնը, մանաւանդ պառաւների, որոնք ամբողջ երեկոն թղթախազով զբաղւելուց յետոյ՝ մեծ ցանկութիւն ունէին լեզուները մի քիչ բանացնել:

Իսկ Տրուհիցկին, նստած մի փոքրիկ սեղանի մօտ, ասում խօսում էր. բերանը կարծես ծաղրածութեան ու երկդիմի սրախօսութիւնների անսպառ աղբիւր լինէր. շրջապատողները մի բերան ծիծաղում էին:

— Ձեր կենացը, Ադոլֆ Անդրէիչ, ուրախութիւնից ա՛լ վարդի նման կարմրատակած դիմեց նրան՝ Նադեա Միհրանովան և բաժակը կայցրեց բաժակին:

Նորա օրինակին հետեւեցին միւս օրիորդներն էլ:

— Մեր գեղեցիկ տանտիկնոջ կենացը, առաջարկեց Տրուհիցկին ուղքի կանգնելով:

Թնդաց բարձր «ուռուա՛»:

Ուրախ երեկոյթից ու ընթրիքից յետոյ հիւրերը ժամի երեքին ցրւեցին իրանց տները լաւ տրամադրութեան մէջ, ամենքն էլ հեռանալով այն համոզմունքով, որ Կատարինէից աւելի սիրալիր և քաղցր տանտիկին չկայ ամբողջ քաղաքում:

XVII

Կատարինէի սիրտը երեկոյթից յետոյ շատ տխուր էր: Օր օրի վերայ նա աւելի և աւելի էր համոզւում, որ Տրուհիցկին սառել է դէսլի ինքը, և որքան աւելի հաստատւում էր նորա մէջ այդ համոզմունքը, այնքան աւելի բորբոքւում էր նորա սէրը դէսլի Տրուհիցկին: Նա դեռ յոյսը բոլորովին չէր կտրել, կարծում էր որ վաղ թէ ուշ նա մեղաց կը գայ, բայց ահա արդէն անցել էր մի ամիս, իսկ նա զղջալու նշան ամենեւին ցոյց չէր տալիս: Եթէ որ Տրուհիցկին մոռանար նորան ու հեռանար Թ-սից, Կատարինէն գուցէ շատ էլ դարդ չանէր, բայց նորա համար անտանելի էր տեսնել, որ Տրուհիցկին հետաքրքրւում է ուրիշ կնոջով, անուշադիր է թողնում իրան, ուրիշին գերադասում է և այդ՝ բոլոր ծանօթների աչքի առաջ:

Մօտենում էին երկհոգիսութեան վերջին ամիսները: Կատարինէն յուսահատութիւնից գժւում էր նկատելով որ երեսի գոցնը կորցնում է իւր թարմութիւնը, աչքերը փոս են ընկնում և կախ ընկած

այտերի փոսերը էլ առաջւայ պէս մարդու խելքամաղ չեն անում, իսկ իրանը, չը նայելով շոր կարողների գործ դրած հազար ու մէկ խորամանկութիւններին, կորցնում է իւր նազուկութիւնը ու գեղեցկութիւնը:

Տրուներցիին ծածուկ ծիծաղում էր Կատարինէի վերայ և յաճախ ասում էր ընկերներին.

— Իմ թառամած գեղեցկուհուս համար արդէն ժամանակն եկել է պաշտօնաթող լինելու ու տեղը մի ուրիշին ղիջելու:

Մի անգամ, պատահելով Կատարինէին իւր հօրեղբօր աղջկայ մօտ, նա մի սուր նկատողութիւն արեց նորա ոչ շատ գեղեցիկ տեսքի մասին: Կատարինէի սրտին այդ սաստիկ դիպաւ: Նա չը կարողացաւ իրան պահել, դուրս եկաւ պատշգամբը և սկսեց բարձրաձայն հեկեկել: Սաստիկ զայրացած վերադարձաւ տուն Կատարինէն:

— Եւ ո՛ւմ հետ փոխել ինձ, մի յիմար տիկինի հետ, որ նազեա Միհրանովնա է անուանւում, զայրացած մտածում էր նա և այդ րոպէից նա սկսեց ատել նազիային: Հա, ես արհամարհում եմ նորան, էլ ես ոտք չեմ դնի նոցա շեմքը, նենգաւո՛ր ընտանիք: Բայց եթէ նա իսկապէս ինձնից սառած լինի՞: Ո՛րքան գեշացել ու պառաւել եմ, յուսահատութեամբ արտասանեց նա նայելով հայելուն: Ինչ թշառ արարած ենք մենք, կանայքս, մի պատահական բան բաւական է մեզ անբախտացնելու համար: Կարծես կնճիռներ էլ լինեն երեսիս, համարեա զարհուրելով բացականչեց Կատարինէն նորից նայելով հայելուն:

Դեռ երկար ժամանակ այդպէս կանգնած հայելու առաջ՝ Կատարինէն դարդ էր անում մտածելով իւր կորցրած գեղեցկութեան վերայ:

Սահաւունքին նկատում էր կնոջ դրութիւնը և հասկանում էր բոլորը, բայց հարկաւոր չէր համարում ցոյց տալ կնոջը թէ ինքը նկատում է: Նա գիտէր որ իւր միջամտութեամբ աւելի կը բորբոքի նորա սէրը և ասում էր ինքն իրան, — Տրուներցուին մոռանալ տալու ամենալաւ միջոցն այն է, որ թողնեմ կինս ինքն իրան ճանաչի նորան ու տեսնի թէ ինչ պտուղ է նա, կարծեմ նա արդէն սկսել է ճանձրանալ կնոջիցս:

Կատարինէի վրդովմունքը օրէցօր աւելի ու աւելի սաստկանում էր: Նա ընկել էր սաստիկ մոտատանջութեան մէջ. նորա սրտում

Ծագած կասկածը թէ Տրունիցկին սառել է դէպի ինքը, հետզհետէ աւելի ու աւելի զօրանում ու հաստատում էր, վերջապէս նորա համբերութիւնը հատաւ, վճռեց բացառութիւն պահանջել Տրունիցկուց և ուղարկեց նրան մի յուսահատական նամակ: Տրունիցկին պատասխանեց նորան, թէ միւս օրը երեկոյեան ժամի վեցին իրանք կարող են տեսնել ու խօսել ամարային կրուժոկ ժողովարանում:

Կատարինէի մէջ կատարւած փոփոխութիւնը նկատելի էր նորա բոլոր մօտ ծանօթներին, մանաւանդ սրտես Ասունու համար: Նա վաղուց էր նկատել Կատարինէի ու Տրունիցկու մտերմութիւնը, բայց սկզբում կարծում էր թէ այդ կանացի կոկետուութիւն է մէկի կողմից և անմեղ կատակ միւսի կողմից: Սակայն շատ չանցած Ասունին տեսաւ, որ նոցա յարաբերութիւնը շատ լուրջ բնաւորութիւն է ստանում, այդ ի հարկէ նորան շատ անհանգստացրեց իբրև Սահառունու անկեղծ և մոտրիմ բարեկամի: Նա աշխատում էր մի հնարք գտնել այդ յարաբերութիւնների առաջն առնելու և մարդու կնոջ մէջ առաջնայ համերաշխութիւնը վերականգնելու: Հեշտ բան չէր այդ անելը: Խնդիրը շատ դժւար ու փափուկ խնդիր էր, պէտք էր շատ զգոյշ լինել: Ասունին ոչ ոքի ոչինչ չէր ասում ու ինքն իրան մտածում էր թէ ինչ անի իւր բարեկամին օգնելու համար: Վերջապէս մի օր մի պատահական դէպք ստիպեց նորան բացարձակ խօսել Տրունիցկու հետ:

Մի օր, Պետրոսեանցի հետ այցում երկար ման գալուց յետոյ, Ասունին առաջարկեց նրան մտնել Եւրոպա հիւրանոցը: Զանապարհին պաաահեցին Թոմսէին:

— Գնանք, բարեկամ, քէֆ անենք, այսօր ռոճիկս ստացել եմ:

— Դու էլի առաջւանն ես, Ալեքսանդր, դրպանումդ որ մի քանի կոպէկ եկաւ, չես հանգստանայ մինչև որ գլխին քար չը քցես սորան: Նորան հիւրասիրելով:

— Ինչ անեմ, Դաւիթ, ամեն մարդ մի պակասութիւն կ'ունենայ, կաթի հետ Ծծածը հոգու հետ դուրս կը գայ:

Պետրոսեանցը չէր ուզում գնալ, բայց ընկերները զօռով քաշ տւեցին տարան: Վերջին ժամանակները նա շատ վատ տրամադրութեան մէջ էր: Զգւելով թեմական դպրոցում տիրող ինտրիգներից, յոգնելով ամենօրեայ կռիւներից, որ նա պէտք է վարէր եթէ չէր

ուղում քաջալերել գպրոցում կատարող անարդարութիւնները, նա ստիպեց թողնել ուսուցչական պաշտօնը, հեռանալ դպրոցից և ահա մօտ մի ամիս էր, որ նա պարապ էր։ Ապարդիւն կերպով աշխատելով մի որ և է համապատասխան գործ գտնելու, նա հազիւ էր կարողանում իւր ղլուխը պահել, բաւականանալով հայոց ամենատարածւած լրագրին աշխատակցելու համար ստացած չնչին վարձատրութիւնով։

Խօսելով նոքա հասան հիւրանոցին։

— Տրունիցկին ու ընկերները հօ չե՞ն այդ քէֆ անողները, նկատեց Ասուհին, նստելով սեղանատան կողքի սենեակում։

— Աղոլֆ, խմում ենք քո պաշտօնաթող գեղեցկուհու կենացը, լսեց Ասուհին և սրեց ականջները։

— Է՛հ, պարոններ, եթէ տեսնէք թէ ինչ նամակ է գրել ինձ la belle Catherine-ը, ծիծաղից կը թուլանայիք։ Խեղճիկը յուսահատութիւնից քիչ է մնում իրան սպանի։

— Ես այսօր նորա լօղլօղ մարդուն տեսայ, նկատեց Տրունիցկու ընկերներից մէկը խռպոտ ձայնով։

— Դու, Աղոլֆ, ժամի վեցին տեսակցութիւն ես նշանակել, թոյլ կը տա՞ս մեզ թփերի յետևը կանգնենք ձեր տեսակցութեան ժամանակ, հռհռալով աւելցրեց մի ուրիշը։

— Ուրախութեամբ, անուշադիր կերպով պատասխանեց կիսահարբած Տրունիցկին։

— Լե՛ք, պարոններ, չը լինի թէ այդ լրբերը տիկին Սահառունու մասին են խօսում, չը կարողանալով էլ համբերել զայրացած բացականչեց Պետրոսեանցը։

Ասուհին ու Թոմակը, որոնք նորանից պակաս չէին զայրացած, գլխով դրական նշան արեցին։

— Ինչ էլ լինի, չպէտք է թողնենք, որ նոքա այդ մարսն, մաղձոտութեամբ բացականչեց Պետրոսեանցը ու պինդ խփեց բռունցքով սեղանին։

Մինչդեռ Ասուհին ու Պետրոսեանցը կատաղած մօտեցան դրանք ու պատուիրեցին ծառային որ ղուրս կանչի Տրունիցկուն մի շատ կարևոր և շտապ գործի համար, Թոմակը մնաց անշարժ նստած, աչքերը յառած «Կաւկազ» լրագրի վերջին համարի վերայ և մտա-

ծում էր թէ ինչպէս անեն այդ դէպքում, որ Կատարինէն չը խախտաւորէ:

— Ի հարկէ Կատարինէի ու Տրունիցկու յարաբերութիւնները նորանից ծածուկ մնալ չէին կարող, բայց նա ոչ մի ակնարկով անգամ ոչ ոքի չէր յայտնում իւր դիտածը և առհասարակ աշխատում էր իրան հետու պահել այդպիսի դէպքերում:

— Ասա տեսնենք, Տիգրան, ընդհատեց նա լուրթիւնը, ի՞նչ ետ ուզում անել:

— Այն, ինչ որ կանի ամեն մի մարդ, որի երակներում արիւն է հոսում և ոչ թէ ջուր:

Այդ խօսքերը արտասանելիս Պետրոսեանցի աչքերից կրակ էր թափւում:

— Գիտէի որ այդ կը լինի դիտաւորութիւնդ. ուզում ես մենամարտութեան հրաւիրել, բայց չէ՞ որ այդպիսով աւելի կը փնասես նորան, ում որ ուզում ես պաշտպանել: Մեր մէջ տիկնոջը ամենամօտ մարդը Ալեքսանդրն է, նրան կը սաղի պաշտպան հանդիսանալ տիկնոջը, թող նա խօսի այդ լրբի հետ:

— Ճիշդ է ասում, ես պէտք է խօսեմ նորա հետ: Տիգրան, մեր խաթեր քեզ զսպիր, մի խօսիլ նորա հետ: Թէև շատ գժւար է սառնասիրտ մնալ, բայց ինչ արած, դու ինքդ պէտք է հոսկանաս որ այժմ այդ անհրաժեշտ է:

— Պէտք է, պէտք է, մտահոգութեամբ հաստատեց Թովմեւրց թէ չէ խայտառակ բան դուրս կը գայ:

Այդ ժամանակ շեմքի վերայ երևաց Տրունիցկին:

— Ի՞նչ էք կամենում:

— Ուզում եմ ձեզ հետ առանձին խօսել:

— Օհօ, այդ շատ հեռաքրքրական բան պէտք է լինի, ես պատրաստ եմ, սկսէք, պատասխանեց Տրունիցկին շորորելով կանգնած տեղում:

— Ինչպէս տեսնում եմ, դուք այնպիսի դրութեան մէջ էք, որ պէտք է մեր խօսակցութիւնը յետաձգենք աւելի յարմար ժամանակէն, խիստ կերպով նկատեց Ասունին: Երեկոյեան կը գամ ձեզ մօտ:

Այդ րոպէին միայն կարծես Տրունիցկին հասկացաւ, թէ ինչու համար էին իրան դուրս կանչում, և մի քիչ շփոթւեց:

— Իսկ այժմ ես խորհուրդ կը տայի ձեզ և ձեր սքանչելի սեղանակիցներին լուել, թէ չէ բաներդ վատ կը լինի, ասայ Պետրոսեանցը ատամները կրճտացնելով: Տրունիցկին արհամարհանքով նայեց նորա թուխ դէմքին ու փռթկացրեց:

— Դուք ո՞վ էք:

— Ա՛յ կիմանաք թէ ով եմ, զգւանքով պատասխանեց Պետրոսեանցը և բռունցքները հուպ տալով մօտեցաւ. նրան:

Թոմսեւը վրդոված նայեց Ասունուն ու ինչ-որ փսփսաց ականջին: Վախենալով խաչտառակութիւնից ու չուզենալով փնասել Սահառունուն, նոքա աշխատեցին մի կերպ հանգստացնել Պետրոսեանցին ու երեքով միասին դուրս եկան հիւրանոցից:

— Զարմանում եմ, թէ ի՞նչն էր ստիպում նկատերինա Իւանոյի նային ծանօթանալ այդ հետ, ա՛յ քեզ լիբ արարած, արտասանեց Պետրոսեանցը ատամները իրար սղմած:

Պատասխան չը ստանալով, նա սկսեց քթի տակին փնթփնթալ:

Ասունին անհամբերութեամբ սպասում էր երեկոյին: Նա մի քանի անգամ գնաց Տրունիցկու մօտ, բայց ոչ մի անգամ տանը չը դուռ նորան. վերջապէս նա վճռեց նստել նորա տանը և սպասել մինչև գայ:

Կէս գիշերուայ մօտ էր, որ Տրունիցկին տուն եկաւ:

— Այդ դո՞ւք էք, պարոն Ասունի: Բոլորովին մոռացել էի, որ ժամադիր էիք եղել, համեցէք:

— Ես իբրև մօտ բարեկամ ձեզ լաւ յայտնի անձնաւորութեան պահանջում եմ՝ բացատրէք ինձ թէ ինչո՞ւ էք դուք ամէն ջանք դրժ դնում վրդովելու նոցա ընտանեկան խաղաղութիւնը:

— Օհօ՛, դուք հօ լաւ քարոզիչ կը լինէք, իսկ ես կարծում էի թէ դուք էլ մեզ նման անհոգ քէֆի մարդ էք, բարձրաձայն ծիծաղելով ասաց Տրունիցկին:

Ասունին նայեց նորան արհամարհական հայեացքով և աւելի սպառնալից ձայնով շարունակեց:

— Թոյլ տւէք հարցնել՝ ի՞նչ իրաւունքով դուք համարձակու՞մ էք ծաղրի առարկայ դարձնել այն անձնաւորութեան անունը և խրախուսել ձեր անթարոյական ընկերներին նոյնը անելու:

— Հա՛, հա՛, հա՛, ա՛յ քեզ բան: Ինչի՞ցն էք եղբակացնում,

այդ ձեզ թւել է միայն: Ես մեղաւոր չեմ հո որ կանայք աշունք-
ւայ ճանճերի պէս կաշոււմ են ինձանից: Համեցէք կարդացէք, ren-
dez-vous են խնդրում ինձանից, պէտք է խոստովանւեմ, որ սովոր-
ութիւն չունիմ գեղեցիկ սեռի խնդիրքները բացասելու:

Տրուենիցկին նենգաւոր ժպիտով մօտեցրեց Ասունու աչքերին
կատարինէից ստացած նամակը: Նա զայրացած խլեց նորա ձեռքից
նամակը ու կտոր-կտոր արեց: Տրուենիցկին շփոթւեց: Մի քանի րոպէ
անցած նա բարկացած յարձակեց Ասունու վերայ:

— Ինչպէս էք համարձակուում այդպէս ինքնազուխ, առանց
հարցնելու պատուելիմ նամակի: Գիտէ՞ք թէ ում հետ գործ ունիք:

— Ա՛յ մի ժամանակ այնպէս լաւ չեմ իմացել թէ ում հետ
գործ ունիմ, ինչպէս այս րոպէին. նեղութիւն մի կրէք ինձ բացատ-
րելու թէ ով էք դուք. ձեր զգուշի վարմունքը ակնյայտնի ցոյց է
տալիս ձեր ով լինելի:

— Զայներդ կորէք. ես անպատիժ չեմ թողնի ձեր հանդուգն
վարմունքը: Ի՞նչ իրաւունք ունէիք նամակը պատռելու:

— Այն իրաւունքը, ինչ իրաւունք որ ունի ամեն մի ազնիւ
մարդ, որ տեսնում է թէ ինչ... է՛հ, դուք այդ չէք կարող հաս-
կանալ, սաստիկ զայրացած բացականչեց Ասունին և պինդ սեղմեց
ձեռքումը պատռած նամակի կտորտանքը: Զեր վարմունքը զգուշի
է: Իմացած կացէք, որ հեշտ չէք պրծնիլ, եթէ երբ և իցէ դար-
ձեալ խօսքով կամ գործով կպչէք ձեզ յայտնի անձնաւորութեան
պատւին: Այժմ պատիւ ունիմ ձեզ հրաժարական ողջոյն տալու:

Ասունին այդ խօսքերը արտասանեց սպառնալից եղանակով ու
դուրս եկաւ սենեակից:

Զը նայելով որ ուշ էր, նա գնաց Թոմասեւի մօտ:

Տրուենիցկին, որ սովորել էր ամեն բանում յաջողութիւն ունե-
նալ ու զժաւարութիւնների չը պատահել, մի քիչ վախեցաւ Ասու-
նու վճռական տոնից ու սպառնալիքներից:

— Գործը վատ ուղղութիւն է ստանում: Յանկարծ այդ յիմարն
ու իւր սեւ, երկարաքիթ ընկերը չը բռնեն ու քոթակեն ինձ: Ինչ
ասեմ իմ խելքիս. ես պէտք է առաջուց իմանալի, որ առւտրական
մարդկանց հետ այդպիսի գործ բռնելը մարդու օգուտ չի բերի.
Նրանք ի՞նչ կարող են հասկանալ մեր ուրախ, քէֆով կեանքի գե-

ղեցկութիւնը, նրանց ասա ամբողջ օրը նստեն ու կոպէկ-կոպէկ փող աշխատեն, նոքա ի՞նչ գիտեն մարդավարի ապրելու եղանակը, մտածում էր ինքն իրան Տրունիցկին, յետ ու առաջ քաջելով իւր սենեակում, որ լիքն էր կանսնց ձեռագործներով:

Տրունիցկին երկար ման էր գալիս սենեակում մտահոգութեան մէջ, վերջապէս կանգ առնելով մտածեց.— մի շաբաթ առաջ ես արձակուրդ խնդրեցի ու տւեցին, լաւ պատուակ է գլուխս առնելու ու ալատեղից փախչելու. չը բռնե՞մ հենց վաղը գնամ ու գլուխս աղատեմ ամենքից: Բայց, մոռացել էի, չէ որ ես վաղը տեսակցութեան պէտք է գնամ. շատ հետաքրքրական է այժմ, կեանքիս վերջալոյսի ժամանակ, տեսնել յուսահատ սէր: Զէ', իսկ եթէ այդ բոլորը սատանայութիւն լինի ու ինձ համար թակարդ լարած լինեն. աւելի լաւ չի՞ լինի փասա-փուսաս հաւաքեմ ու ինձ զցեմ՝ Պետերբուրգ:

— Էյ, բանը-մանը դարսիր ու կապիր, վաղը ճանապարհ պէտք է ընկնեմ: Հօ ինձ հարցնող չի եղել:

— Ինչ-որ խանութից մի գործակատար էր եկել հաշիւ էր բերել, փող էր ուղում, նորանից յետոյ ղերձակն էլ եկաւ, շատ էին գուգոռում:

— Լռիր. քեզ դորա մասին հարցնող չը կայ: Միհրանովենց տանի՞ս ոչ ոք չի՞ եկել:

— Ինչպէս չէ. ա՛յ նամակ էին բերել:

Տրունիցկին ուրախացաւ, առաւ ծառայի ձեռքից ծրարը ու վռազ-վռազ բաց արեց: Ծրարի մէջ ներփակած էր բանկից 300 ր. ստանալու տոմսակ:

Ապրի Ելիզաւետա Բոգդանովնան, նեղ տեղն ընկած ժամանակս շատ է օգնում ինձ: Այնքան պարտք ունիմ, որ չեմ իմանում թէ ում պարտքը տամ: Ոչինչ, ոչ ոքի մուրհակ չեմ տւել, թող իրանց համար սպասեն, իսկ այս փողերը ինձ ճանապարհին պէտք կը գան, Վճռեց Տրունիցկին ու հանգիստ քնեց:

Միւս օրը ժամի վեցին Տրունիցկին սլանում էր դէպի հիւսիս Վլադիկաւկազի ճանապարհով, իսկ Կատարինէն նստած կրօւժոկի այդում անհամբեր սպասում էր նորան, մտալոյդ աչք ածելով չորս կողմը և հաշւելով րոպէները: Այդպէս խեղճը սպասեց մօտ մի ժամ, բայց Տրունիցկին չէր գալիս: Յուսահատուած խեղճը ուզում էր վեր-

կենալ ձայն տալ իւր կառապանին ու վերադառնալ տուն, բայց թուլութիւնից չը կարողացաւ տեղիցը վեր կենալ: Նորա աչքերը լցւեցին արտասուքով. նա երկու ձեռքով բռնեց կրակի պէս այրւող ճակատը ու գլուխը դրեց սեղանին: Նորա բախտիցը այգում դեռ ոչ ոք չը կար: Քառորդ ժամի չափ նա այգ դրութեան մէջ մնաց. յան կարծ մէկը ձեռքը դրեց նորա ուսին:

— Կատեա ջան, ինչ է եղել քեզ, գնանք տուն, այստեղ քեզ համար շատ ցուրտ է:

Կատարինէն գլուխը բարձրացրեց և նորա արտասուքից կարմիրած աչքերը հանդիպեցին իւր ընկերուհու հայեացքին:

— Դո՞ւ ես, Հեղինէ, Ով, Աստուած իմ, եթէ իմանալիր թէ ինչ է եղել ինձ... Ձէ՛, պէտք չէ. դու պատահաբար եկար այստեղ, չէ՞, ասա, դու լինես քո Աստուածը, մի ծածկիր, բացականչեց Կատարինէն բռնելով նորա ձեռքը և կասկածով նայելով նորան:

— Հանգստացիր, հոգիս, զուր կասկածներով քեզ մի տանջիլ: Ասունին առաջարկեց կառքով զբօսնել. վճռեցինք այստեղ գալ:

— Կը նշանակի Ալեքսանդր Վասիլիչն էլ այստե՞ղ է:

— Ինչո՞ւ ես վախենում: Նա այս րոպէին կը գայ, հէնց նոր մտաւ ճաշարան գարեջուր խմելու:

Այդ ժամանակ նոցա մօտով անցան երկու տղամարդիկ: Կատարինէն ճանաչեց նոցա, — Տրունիցկու ընկերներն էին. մի տխուր նախազգացումն սկսեց տանջել նորան, նորան թւում էր թէ մի անբախտութիւն պէտք է պատահի: Կատարինէի սրտում իսկոյն կասկած ծագեց, որ դոքա պատահաբար չեն եկել այդտեղ. այդ կասկածը աւելի ևս հաստատուեց նորա սրտում, երբ որ նա նկատեց նոցա իւր վերայ յառած խորամանկ ու ծաղրական հայեացքները, նոցա խորհրդաւոր քիչոցն ու երկդիմի ժպիտները:

Սիթէ Ադուլթը ծիծաղատեղ է շինել ինձ, միթէ ընկերներին ուղարկել է որ տեսնեն, թէ ինչպէս եմ ես ստորացել, ու ուրախանան, մտածում էր Կատարինէն ու սիրտը այրւում փոթոթւում էր:

Հեղինէն հասկանում էր թէ ինչ է կատարւում ընկերուհու սրտում: Նա ուզում էր Ասունուց լսածը պատմել Կատարինէին, որ նա զգւանք զգայ գէպի Տրունիցկին, բայց սիրտ չէր անում ասի, գիտէր, որ Կատարինէին այդ շատ ցաւ կը պատճառի:

Իսկ Տրունիցկու ընկերները միեւնոյն ծառուղիով յետ ու առաջ զբոսնելով շարունակում էին իրանցը, աւելի ևս լիւրջ հայեացքներ դրցելով Կատարինէի վերայ: Այժմ նա բոլորովին համոզւեց, որ իւր կասկածը ճիշտ է և աւելի սաստիկ զգաց, թէ ինչ աստիճան ստորացել է ինքը. որ ձեռքին ծար լինէր տեղն ու տեղը գետին կը մոնէր ամօթիցը: Այդպէս դժոխալին մոտաւանջութեան մէջ նա մնաց մի քանի րոպէ. վերջապէս նա ոյժերը հաւաքեց, վերկացաւ տեղիցը, պինդ սեղմեց Հեղինէի ձեռքը և համարեա բռնի քաշ աւեց նորան տարաւ այգու հեռաւոր մի անկիւնը: Հեղինէի սիրտը կտրաւուում էր նորա դրութիւնը տեսնելիս, ուղում էր թեթեւցնել նորա տանջանքները, բայց չէր իմանում ինչպէս անի, ինչպէս սկսի:

Վերջապէս Կատարինէն չը կարողացաւ էլ իրան պահել. սիրտը բաց արեց Հեղինէի առաջ: Նա զգում էր որ ինքը կարօտ է օգնութեան և այդ րոպէին Հեղինէի վերայ նայում էր իբրեւ պահպան հրեշտակի վերայ:

— Վա՛յ ինձ, վա՛յ իմ գլխիս, յուզմունքից զողողացող ձայնով արտասանեց նա, խայտառակեցի, ամբողջ քաղաքի ծիծաղատեղ դարձայ: Ամէն բան կը տայի, ոչինչ չէի խնայի, որ նամակս նորանից յետ առնէի ու նորա երեսին ասէի թէ նա զգւելի խաբեբայ է:

— Ի՞նչ ցանկութիւնը արդէն կատարւել է, Կատեա, նամակդ պատուել են:

— Ո՞վ է պատուել:

— Հանգիստ եղիր, հոգիս, մեր բարի Ալեքսանդր Վասիլիչն է պատուել:

— Ոչինչ չեմ հասկանում: Ասա ինձ, Աստու սիրուն, դուք ո՞րտեղից էք ամէն բան իմացել և ինչո՞ւ էք ժողովւել այստեղ: Մի տանջիլ ինձ, շուտ արա, ասա, թէ չէ կը գտնեմ: Զը լինի՞ր Գէորգն էլ բան է իմացել, հարցնում էր Կատարինէն սպրտնաժ, հազիւ շունչ քաշելով:

Հեղինէն կատարեց նորա խնդիրքը, աշխատելով միայն ծածկել նորանից իրականութեան ամենացաւալի մասը:

— Կատեա, ես այսօր երկու անգամ գնացել եմ ձեր տուն, ուղում էի քեզ ասեմ որ նա Թ-սից գնացել է, բայց չը կարողացայ քեզ տանը գտնել:

Կատարինէն վերջին խօսքերը չը լսեց. նա երկու ձեռքով երեսը բռնած դառը արտասունք էր թափում: Վերջապէս նա ազատութիւն տւեց իւր խոցւած սրտին, իւր ոտնաստակ տւած ինքնասիրութեանը: Հեղինէն ոչինչ չէր ասում, իմանալով որ արասուքը սիրտը կը հովացնի: Երբ որ Կատարինէն մի քիչ հանգստացաւ, Հեղինէն առաջարկեց տուն գնալ: Հէնց որ նոքա վերկացան տեղներիցը, նրանց մօտեցաւ Ասունին: Կատարինէն սկզբում ամաչեց, բայց յետոյ շնորհակալութեան զգացմունքով սեղմեց նորա ձեռքը: Հեղինէն ու Կատարինէն առաջ ընկան: Ասունին քաղաքավարութիւնից չէր մօտենում նրանց ու յետ էր ընկնում, ցանկանալով իւր ներկայութիւնը անզգալի դարձնել Կատարինէի համար: Տիկիններին կառք նստացնելով, Ասունին ինքը տեղափոխեց կառապանի կողքին, որ նոքա կարողանան ազատ խօսել:

—Ախ, Հեղինէ ջան, ինչ երեսով պէտք է տուն գնամ, ասաց Կատարինէն ճանապարհին և արտասունքը առուի պէս թափեց աչքերից: Տէր Աստուած, ինչ կը լինի իմ օրը, ինչ պէտք է անեմ այժմ:

—Մի յուսահատուիլ, հոգիս. մի բան որ էլ դու նորան չես սիրում, միտքարում էր ընկերուհուն Հեղինէն, բնքշարար բռնելով նորա երկու ձեռքը:

Թէև Կատարինէն լուռ էր, չէր խօսում, բայց Հեղինէն գիտէր թէ ինչեր էին անցնում նորա մտքովը: Նա աշխատում էր հանգըստացնել Կատարինէին, բայց նա կարծես չէր լսում նորան, աչքը ներքև գցած շարունակում էր լռութիւնը:

Քանի մօտենում էին տանը, Կատարինէի վրդովմունքը աւելի ու աւելի սաստկանում էր. երբեմն երբեմն նա ցնցւում էր նստած տեղը: Տանը նորա դողը աւելի սաստկացաւ և նա ուժասպառ ընկաւ անկողնի վերայ: Հեղինէն տաք փաթաթեց նորան ու նստեց նորա մահճակալի պռնկին:

Ասունին գնաց Սահառունու առանձնասենեակը, աշխատելով առժամանակ նորա ուշադրութիւնը հռացնել կնոջից:

—Կարծեմ Կատեան ու տիկին Հեղինէն եկել են, Ալեքսանդր:

—Հա, եկան, բայց պէտք է առայժմ նոքա հանգիստ թողնել, երևի այժմ նոքա շորերը փոխելիս կը լինեն. ճանապարհին անձրևը կարգին թրջեց նոցա: Շնորհաւորում եմ, վերջապէս դու էլ

ընկար մասնաժողովի մէջ, աւելցրեց նա նայելով սեղանի վրայի թղթերին:

—Այնպէս ես ասում, Ալեքսանդր, կարծես ուրախ չես որ այդպէս է եղել:

—Ճիշտ որ ուրախ չեմ. սիրտս վկայում է, որ դու այդ գործի պատճառով կը ֆնասւես: Եթէ չեմ սխալուում, հարցը նրանում է, թէ ում է պատկանում այն հողը, որ գտնւում է կոմսի գործարանի կողքին և որտեղ կոմսը պատահաբար հանք է դտել: Այդ հարցը ինքն ըստ ինքեան շատ պարզ է, բայց այնպէս են խճճել, որ անհնար է ճշմարտութիւնը լուսաբանել առանց կպչելու կոմսի պատւին ու շահերին. իսկ կոմսը մեզնում այնպիսի դիրք ու ազդեցութիւն ունեցող անձնաւորութիւն է, որ չի կարելի անպատիժ նորա խաթրին դիպչել:

—Բայց մենք կը դիպչենք, որովհետեւ այլապէս անհնար է գործին արդարացի վճիռ ապա: Մէջ այս թղթերը քրքրելով ես համոզւեցի, որ ոչ միայն հողերը ապօրինի կերպով է իւրացրել կոմսը, այլ գործարանն էլ խաբէբայութեամբ է խլել անփորձ մարդկանց ձեռքից: Թէև ես հէնց առաջին նիստում նկատեցի, որ մասնաժողովի անդամների մեծ մասը, չ'ուզենալով զրգռել կոմսին իւր դէմ, նորա կողմն է պահում, բայց յոյս ունիմ, որ վերջ ի վերջոյ կը կարողանամ նոցանից մի քանիսին համոզել, որ անաչառ կերպով վերաբերեն գործին:

Ասունին կասկածանքով գլուխը թափ տւեց և ուզում էր ինչ-որ առարկել, բայց Սահառունին խօսքը բերնումը թողեց, — դորա մասին յետոյ կը խօսենք, իսկ այժմ գնանք տիկինների մօտ, տեսնենք ինչ նոր բան կը պատմեն մեզ տիկինները:

Ասունին զգուշութեամբ վերցրեց գլխարկը ու աննկատելի կերպով դուրս եկաւ սենեակից: Սահառունին նկատեց որ Պատարինէն շատ սպրտնած է ու տխուր:

—Ի՞նչ է, կատեա, կարծես քէֆ չունիս: Ինչ տեսակ մարդ ես, քեզ ասացի որ վատ եղանակ է, տանից մի դուրս գալ, չը լսեցիր խորհուրդիս:

—Ոչինչ, Գէորգ... մի քիչ ցուրտ դիպաւ... արտասանեց Պատարինէն սաստիկ շփոթւած, գլուխը բարձրց մի քիչ բարձրացնելով:

Հեղինէն տեսնելով որ անյարմար է մնալ, վերկացաւ որ գնայ:
— Ո՞ր, տիկին Հեղինէ, աղաչելով արտասանեց Սահառունին:
— Խա՛չը, չեմ կարող մնալ, ասաց նա մի քիչ յուզւած և,
համբուրելով Կատարինէին, գնաց:

Հեղինէն շատ տխուր վերադարձաւ տուն. սկի չէր կարողանում մոռանալ ընկերուհու անտանելի դուրսիւնը:

— Ի՞նչ բացակայութեան ժամանակ ելիզաւետա Բոգդանովնան եկել էր քեզ խնդրելու որ մասնակցես սիրողների ներկայացմանը, ասաց նորան մարդը:

— Ինչ է կպել ինձ ու ձեռ չի քաշում, հազար անգամ ասել եմ նորան որ թատրոն ներկայացնել չեմ կարող:

Ամիրանովը յօնքերը կիտեց:

— Նա արգէն հաւատացրել է կոմսուհուն, որ դու մասնակցում ես: Ինքդ ասա, Հեղինէ, լա՛ւ է ամօթով թողնել ելիզաւետա Բոգդանովնային, քանի որ դու նորանից բացի լաւութիւնից ոչինչ չես տեսել:

— Ինձ ինչ թէ ամօթով կը մնայ. ինձ այն է զարմացնում, որ Միհրանովան առանց ինձ հարցնելու իրան ու դիտու իմ տեղակ խօսք է տալիս:

— Արի, Հեղինէ ջան, մի թարսւիր, իմ խաթեր մասնակցիր: Մի մոռանալ, որ ներկայացումը բարեգործական նպատակով է:

— Մի բանում որ Միհրանովայի մատը խառը լինի իմ կարծիքով էլ այստեղ իսկական բարեգործութիւն չի կարող լինել:

Մի քիչ յետոյ մարդը նորից խօսք գցեց ներկայացման մասին:

— Ձեռք քաշիր ինձնից, Միշէլ: Պէտք է հասկանաս, որ ես չեմ կարող մասնակցել. առաջինը այն պատճառով, որ այժմ ես պէտք է հանգիստ մնամ, երկրորդ էլ որ ես բեմական ձիրք չունեմ: Լաւ կանէիր, եթէ ուրիշներին խնդրէիր:

— Լուիր, Աստուած սիրես, երբ պէտք է հասկանաս վերջապէս որ ոչ ոք քո խորհուրդներին կարող չէ, բարկացած գոռաց Ամիրանովը ու հեռացաւ նորանից: Ո՛րտեղ էիր այսօր, խստութեամբ հարցրեց նա կնոջը մի քիչ յետոյ:

— Սահառունիների մօտ:

— Հ'ըմ... Սահառունիների մօտ... Հ'ըմ:

— Ինչպէս տեսնում եմ քո կարծիքով նրանց մոտ գնալն էլ յանցանք պէտք է համարել:

— Եւ ի հարկէ նրանց մօտ պատահեցիր զանազան Թօմաւենների ու Պեարօսօյների հետ: Նրանք են քեզ իմ դէմ լարում:

— Եթէ չեմ ուզում մասնակցել, կը նշանակի քո դէմ լարած եմ, ժպտաց Հեղինէն:

— Զարմանալի է, քեզ որ թողնեն բացի Սահառունիներից ուղքի հետ ծանօթութիւն չես անիլ:

— Իսկ ինձ աւելի զարմանալի է թւում, որ դու պահանջում ես շահասիրական նկատումներով ծանօթութիւն անել:

— Քեզ խորհուրդ կը տալի, որ ինձ հետ խօսելիս այդ տօնը թողնէիր, թէ չէ...

Ամիրանովը սպառնալից կերպով նայեց կնոջը և դուռը շրջակացնելով տանից դուրս եկաւ:

— Զէ', այսպէս չի լինի, պէտք է այնպիսի քիթ ու պռունկով այդ պարոններին ընդունել, որ ոտները կտրեն մեր տանից, մտածում էր Ամիրանովը ճանապարհին:

Հեղինէի գնալուց յետոյ Սահառունին մենակ մնաց կնոջ հետ:

Այսօր բոլորն էլ մի տեսակ են, մտածում էր նա, մի բան պատահած կը լինի, ինձնից ծածկում են:

— Կատեա ջան, հօ բան չի պատահել քեզ սանամօրդ մօտ: Երեսիդ գոյն չի մնացել, հարց ու փորձ էր անում մարդը սաստիկ անհանգիստ սրտով:

Կատարինէն երկար ժամանակ ոչինչ չէր պատասխանում, վերջապէս սիրաւը պնդացրեց ու լացակրկնած սկսեց խօսել, — Ա'խ, Գէորգ, ես սանամօրս մօտ չէի գնացել... Այս ի'նչ անբախտութիւն էր որ պատահեց ինձ... ինձ էլ ոչինչ մի հարցնիլ... չեմ կարողանում պատասխանել... երբ որ կարողանամ ամեն բան քեզ կ'ասեմ... Այժմ ինձ մենակ թող, սաստիկ յոգեած եմ, ուզում եմ հանգստանալ, աղաչելով աւելցրեց Կատարինէն երեսը լարձով ծածկելով:

Միւս օրը Սահառունին մի քանի անգամ փորձ արեց կնոջ հետ պարզ խօսելու, բայց միշտ թողնում էր այդ դիտաւորութիւնը լիսնեալով որ այդ կը վրդովեցնի կնոջ սիրտը:

— Գէորգ, ո'րքան մեղաւոր եմ քո առաջ, յանկարծ դուրս

Թուաւ Կատարինէի բերնից երեկոյեան: Որքան ծանր է ինձ համար յայտնել քեզ ճշմարտութիւնը, սկսեց լալ նա և երկու ձեռքով ծածկեց դէմքը:

Սահառունին հասկանում էր, որ կնոջ վրդովմունքի պատճառը Տրունիցկին է և թէև այդ սաստիկ ցաւ էր պատճառում նորան, բայց տեսնելով կնոջ տանջանքն ու զղջումը նա աշխատում էր ցոյց տալ թէ հանգիստ է: Նա սաստիկ խղճում էր կնոջը:

— Հոգիս, բաւական է քեզ տանջես, մխիթարում էր Կատարինէին Սահառունին, գրկելով նորան: Ես ամեն բան կը ներեմ քեզ, միայն դու սիրող հանգիստ պահիր: Զէ՞ քեզ փնաս է վրդովւել այժմ:

Այդ խօսքերը մի քիչ սիրտ տուեցին Կատարինէին. նա յառեց աչքերը մարդու վերայ կարծես ուզում էր թափանցել նորա հոգու խորքը, բայց էլի առանց մի խօսք ասելու ձեռով արեց որ սենեակից դուրս գայ:

Միւս առաւօտ Կատարինէն աւելի հանգիստ էր երևում և երբ որ մարդը հարցրեց թէ ինչպէս է առողջութիւնը նա սաստիկ քնքշութեամբ ընկաւ նորա գիրկը:

— Աստուած իմ, ի՞նչ անբախտ մարդ եմ ես. դու այնքան անսուրաւ ես, Գէորգ, որ էլ ինձ սիրել չես կարող:

— Հանգստացիր հոգիս, ես քեզ առաջւայ պէս սիրում եմ և պէտք է սիրեմ:

Սահառունին այնքան յուզւած էր որ էլ ոչինչ ասել չը կարողացաւ:

— Գէորգ, հոգիս, ներիր, հաւատացիր որ դու ոչ մի ժամանակ այնքան սիրելի չես եղել ինձ համար որքան այժմ, բացականչեց Կատարինէն լացակրկնած ու պատմեց մարդուն ամեն բան:

— Խօսք տուր, Գէորգ, որ այդ բոլորը մոռացութեան կը տաս և ես քեզ համար առաջւան կինը կը լինեմ:

Սահառունու համար շատ դժւար էր հանգիստ սրտով լսել այդ բոլորը: Բայց իմանալով թէ որքան կարօտութիւն ունի Կատարինէն այդ դժւար ըրախներում մխիթարութեան ու գգւանքի, բռնեց նորա ձեռքը և յուզմունքը զսպելով ասաց.

— Հանգստացիր, հոգիս, շատ բան ես քաշել այս քունի օրը, տայ Աստուած որ այդ քեզ չը փնասի:

Մենակ մնալով Կատարինէն ամբողջ երկհոգիսութեան ընթացքում առաջին անգամ սկսեց ուրախ սրտով մտածել ապագայ երեխայի մասին. նորա միակ յոյսը այդ երեխայի վերայ էր, որ իբրեւ անխղիւի կապ պէտք է կապէր նորան իւր մարդու հետ:

Այդ դէպքից յետոյ Սահառունին սկսեց նկատել, որ կինը կարծես սկսում է իրան առաջնայ պէս սիրել. բայց այդ նորա սրտին միայն կսկիծ և ցաւ էր պատճառում: Նա Կատարինէին սիրում էր, բայց հայրական սիրով, որ պէտք է իւր սիրելի և թող զաւակին պահպանի ամեն չարիքից ու փորձութիւնից. ուրիշ սէր նա չէր կարող զգալ դէպի Կատարինէն:

— Զէ՛, ես փոխադարձաբար սիրել նորան չեմ կարող, չը նայելով որ շատ կուզէի սիրել, մոռածում էր նա դառնութեամբ և նորա միտքը նորա կամքի հակառակ սկսեց զբաղւել Հեղինէով. ինչ-որ մի ոյժ, մի զօրութիւն ձգտում, քաշում էր նորան դէպի այդ կինը: Որքան աւելի մօտենում էր նորան Սահառունին, այնքան նոր-նոր թագնւած գանձեր էր գտնում նորա խելքում և սրտում, այնքան աւելի էր համոզւում, որ Հեղինէն կատարեալ մարմնացումն է կնոջ այն իղէալի, որ ինքը ստեղծել էլ իւր երեակայութեան մէջ:

(Կը շարունակւի)